



Sarajevo – Jajce – Travnik – Sarajevo

Jednodnevni izlet, 18.06.2022.

Polazak iz Sarajeva sa dogovorenog mjesta (Zemaljski muzej Sarajevo) u 08:00 sati prema Jajcu – gradu nevjerovatne historije i nestvarne prirode. Usputno zaustavljane za kratke pauze prema potrebi grupe.

Ovo je grad specifičnog imena. Jajce se prvi put počinje razvijati tokom 14. i 15. stoljeća, i to zaslugom Hrvoja Vukčića Hrvatinića. Za nastanak imena grada se vežu dvije legende. Prva kaže da je Vukčić Hrvatinić odlučio sagraditi grad po uzoru na dvorac “Jaje” (Castell del Uovo), koji se nalazi u čuvenom Napulju pa je po njemu i ovaj grad dobio ime. Po onoj drugoj, vjeruje se da su za vrijeme zidanja jajačke tvrđave u malter stavljana jaja kako bi bio čvršći.

Po dolasku u Jajce posjetit ćemo vodopad rijeke Plive u centru grada, koji je ujedno i zaštitni znak grada Jajca. Za razliku od većine drugih prirodnih ljepota širom svijeta koji se obično nalaze van gradske zone, vodopad u Jajcu se nalazi u epicentru gradu i udaljen svega nekoliko minuta lagane šetnje od tvrđave i starog grada. Vodopad u Jajcu nastao prije 50.000 godina i proglašen je za jedan od 12 najljepših vodopada na svijetu. Na svojoj najvišoj tački, dostiže visinu od 18 metara. Plivsko jezero najveće je prirodno jezero u BiH, a nalazi se na samo nekoliko kilometara od grada. Dočekat će vas prava oaza mira, spokoja i tišine, kao i nevjerovatno čista voda koja odmara oči. Slobodno vrijeme za kratak odmor i fotografisanje, te uživanje u prirodnoj ljepoti naše domovine. Nastavljamo ka Mlinčićima, koji su udaljeni par kilometara od grada. Mlinčići u Jajcu postojali su još od 1562. godine, a danas su bez dileme jedna od najvećih atrakcija grada. Nekada su na ovom području postojala 24 mlina od kojih šest nije bilo u funkciji. Danas ih je ovdje 20, te stoje kao pokazatelj industrijskog razvoja u osmanskom periodu. Nastavljamo prema Muzeju AVNOJ-a, čije je zasjedanje održano 29. novembra 1943. godine upravo u Jajcu, gdje su udareni temelji SFRJ i gdje je faktički stvorena Jugoslavija. Kao obilježje tog značajnog historijskog događaja 1953. godine osnovan je Muzej II zasjedanja AVNOJ-a, koji je u neposrednoj blizini vodopada. Danas se u muzeju mogu pronaći zapisi, predmeti, kao i fotografije iz tog perioda, a urađena je i ambijentalna rekonstrukcija spomen sale u kojoj je 1943. godine održano Zasjedanje.

Nastavak putovanja prema Travniku – vezirskom gradu na rijeci Lašvi, te odmor i pauza za ručak u nekom od navedenih restorana.

Travnik je 150 godina bio sjedište bosanskog pašaluka, u kojem je stolovalo 77 vezira. Prirodne ljepote vezirskog grada nikoga ne mogu ostaviti ravnodušnim! Upoznavanje sa Travnikom započinjemo iz Starog grada, gdje ćete imati priliku vidjeti Hadži Ali-begovu džamiju ili džamiju Mehmed Paše Kukavice, izgrađenu u 18. stoljeću. Prvobitna džamija je izgorjela u požaru sredinom 19. Stoljeća, pa ju je obnovio travnički beg i veleposjednik Hadži Ali-beg Hasanpašić, po kome sada džamija i nosi naziv. Na spoljašnjem zidu džamije, imat ćete priliku vidjeti I sunčani sat, izgrađenog 1886. Godine kako bi se po njemu podešavali satovi na sahat kuli kao i ručni satovi imućnijih Travničana. U davnom 18. stoljeću, veziri su imali želju da svaki stanovnik može vidjeti sahat kulu i vrijeme na njoj, te su iz tog razloga u Travniku



Relax Tours d.o.o Sarajevo

Direkcija: Alekse Šantića br.5, Tel./fax: +38733 263 190
Poslovnica: Zelenih Beretki br.22, Tel./fax: +387 33 263 330
Email: relaxtours@relaxtours.com
VIBER: +387 63 771 442

www.relaxtours.com



Vaš pravi kurs



izgrađene dvije. Nastavljamo prema rodnoj kući Ive Andrića, tipičnoj bosanskoj kući staroj više od jednog stoljeća, koja je 70-ih godina 20. stoljeća postala spomen muzej, a nakon njegove smrti nosi naziv Memorijalni muzej – rodna kuća Ive Andrića. Kuća je ispunjena životom i djelima velikog pisca, koja odiše posebnošću gradnje i dahom bosanske čaršije. U Travniku ne smijete propustiti odlazak na tvrđavu, staru 600 godina, koja odolijeva i vremenu i narodu. Ako se upustimo u istraživanje ovoga historijskog nacionalnog spomenika Bosne i Hercegovine, naići ćemo na njen ogroman značaj, kao i na interesantan podatak da se ne zna ko je sagradio tvrđavu niti kada. Pretpostavlja se da ju je izgradio Tvrtko II Kotromanić ili kralj Stjepan Dabiša. Putovanje u Travnik možete upotpuniti obilaskom vezirskog grada „na točkovima“ turističkim vozom i doživjeti nezaboravno iskustvo! Ako želite osjetiti potpuni merak u Travniku, onda je izvorište Plave vode nezaobilazno mjesto. Prošetajte do Plave vode i uživajte u njenom jakom izvoru iz stijene. Pauza za odmor i osvježenje u nekom od restorana.

Nakon odmora, slijedi polazak prema Sarajevu u poslijepodnevnim satima.

U cijenu je uključeno:

- ✓ Prijevoz visokoturističkim autobusom Neoplan Cityliner 44 mjesta na relaciji Sarajevo – Jajce – Travnik – Sarajevo
- ✓ Ulaznice u muzej AVNOJA, Vodopad, Tvrđava u Travniku , Turistički voz Ćiro
- ✓ Doručak (Breakfast box/paket)
- ✓ Ručak – Restoran Bajra ili Restoran Di Casa ili Restoran Ex Ponto - Muzej Ive Andrića (sa jednim bezalkoholnim pićem i kafom)
- ✓ Vodić – pratilac grupe

Cijena po osobi: **110 KM**

Napomena: Ovaj program je samo prijedlog, te može doći do izmjene istog. Kalkulacija je rađena na bazi minimalono 40 osoba A MAKSIMALNO 43 OSOBE (1 autobus). Agencija zadržava pravo izmjene cijene aranžmana u slučaju manjeg /većeg broja prijavljenih ili u slučaju izmjene troškova koji utiču na formiranje konačne ponude. Cijene su rađene na bazi trenutnih cijena ulaznica.

Naravno ako želite da se nešto doda ili izuzme iz predloženog programa molimo da nas obavijestite.

Vaš pouzdan partner za putovanja, Relax Tours!



Relax Tours d.o.o Sarajevo

Direkcija: Alekse Šantića br.5, Tel./fax: +38733 263 190
Poslovnica: Zelenih Beretki br.22, Tel./fax: +387 33 263 330
Email: relaxtours@relaxtours.com
VIBER: +387 63 771 442

www.relaxtours.com

